



PERDANA
LEADERSHIP
FOUNDATION
Y A Y A S A N
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	SELANGORKINI
Date	3 OCTOBER 2016

Tun Mahathir: “MO1 itu Najib”

Selangorkini – 3 Okt 2016

BERA, 3 OKT: Perdana Menteri, Datuk Seri Najib Razak didakwa sebagai identiti Malaysian Official 1 seperti didedahkan Jabatan Keadilan (DOJ), Amerika Syarikat.

Bekas Perdana Menteri, Tun Dr Mahathir Mohamad berkata demikian merujuk laporan dan pendedahan skandal kewangan melibatkan Presiden Umno itu.

“MO1 itu tetap Najib. Dia punya menteri sendiri mengaku dan mengaitkan individu itu adalah Najib.

“Mungkin menteri itu tidak habis membaca laporan DOJ, kalau dia baca penuh mungkin dia akan lebih tahu apa yang MO1 itu buat dan siapa yang lesap duit itu,” katanya.

Beliau berkata demikian kepada SelangorKini menerusi temubual eksklusif di sebuah hotel sempena penganjuran Program Jelajah 1MDB, di sini, semalam.

Sebelum ini, Menteri Umno, Datuk Abdul Rahman Dahlan mengesahkan bahawa MO1 dirujuk 36 kali dalam saman sivil DOJ berkaitan penyelewengan 1MDB adalah Perdana Menteri.

“Saya dah kata secara terbuka, jelas sekali jika kamu membaca dokumen berkenaan, ia adalah Perdana Menteri,” kata Rahman dipetik BBC.

Pada Julai lalu, DOJ memfailkan saman sivil bagi melakukan pembekuan aset di Amerika Syarikat yang didakwa dibeli menerusi penyelewengan dana 1MDB.

Dalam pendedahan itu, DOJ bagaimanapun tidak menamakan Perdana Menteri Najib sebagai individu tersebut, namun mendedahkan identiti itu didakwa mempunyai AS\$681 juta di dalam akaun peribadinya.

Perdana Menteri sebelum ini menafikan penglibatan beliau berhubung salah laku dan penyelewengan dana rakyat untuk tujuan peribadi.

Sumber: www.selangorku.com